

مستشرقین

۱۳۲۶

محل مطبعہ و ادارہ :

جغسال اوغلانده امنیت

صندوغی جوارنده

شنکول یقوشنده

۲۲ نومبر

اظہار :

مسدکمزہ موافق آثار

جدیدہ مع الممنونیه

قبول اولنور

درج ایدلمین آثار اعادہ اولنماز

دینہ ، فلسفہ ، علوم ، حقوق ، ادبیات ، تاریخ ، و سیاسیات و بالخاصہ احوال و مشورہ اسلام و دعوت ایدر و هفته درہ بر نشر اولنور .

صاحب و مؤسساری :

درسعادتدہ نسخہ سی ۵۰ پارہ در

ابوالعلا زین العابدین - ح . اشرف ادیب

تاریخ تاسیسی

قیرلہ دن مقوا بورو ایله کوندریلیرسہ سنوی

۲۰ غروش فضلہ آلنیر

۱۰ تموز ۳۲۴

آبونہ بدلی

سنہ لکی	التی آیلغی	غروش
ممالک عثمانیہ ایچون	۶۵	۳۵
روسیہ	۶۰۵	۳۰۵
سائر ممالک اجنبیہ	۱۷	۹

بشنجی جلد

۲۳ شوال پنجشنبہ ۱۵ تشرین اول ۳۲۶

عدد : ۱۱۲

لکبری وار ، و بوده اخلاقك بوزولمسی نتیجہ سی اولہرق خطالره دوشولمش در . مع مافیہ اودہ کیتدکچہ ، اوروپا ایله اختلاط سایہ سندنہ زائل اولاجق در . بر ملت که حقنہ (لوکان العلم فی الثریالناالہ الفرس بیورلمش در . علمہ او قدر مقتون بر ملتک هیچ بروقت آتیسندن نومید اولہمام .

بر مسئله دهاوار که ایران ایچون اسباب سعادتدن صابیلیر : خونی ، لسانی و عرقی اولہرق ملت واحدہ اولمسی در . بونکده بیوک بر قوت تشکیل ایتدیکنی سامعین کرام حضرانی تقدیر بیورورلر .

بر باشقه کیفیت دها وار که ایرانک آتسی ایچون امید بخش در . ایرانده یشایان عشائرک ، شهرلره اختلاطی آز اولان عشائرک حسن اخلاقی محافظه ایتلری ، فضائل فطریه لرینی هر نوع تعرضدن مصون بولوندیرمش اولمسی در . بو عشائرک اخلاقی دها تمیزدر . بوده بر قوت تشکیل ایدر . حسن تربیه ایله بونلر کوزل بر عامل اوله بیلیر .

والحاصل - قیصه کسهلم - بر مملکت که اوزون بر قدمه مالکدر ، مدنیت و انسانیتہ بر چوق خدمتی سبق ایتمشدر ، بر چوق ادب ، شعرا ، حکما یتشدیرمشدر ، اسلامه ایتدیکی خدمتده عربک کندن اکسیک دکل ، هر هانکی بر یولی اله آلمش سه توسیعی ایتمش ، کندی ملیت و قومیتی اوکا درج ایدرک مال ایدیمش ؛ بویله بر ملتک البت یشایه جفته امیدوار بولنورم .

کچمش خطالره ینہ بر دها دوشمه مک اوزره بو حادثاتی ایتلاظه مدار اوله جق وقوعات قیلیندن عد ایدرم ، و بویله اوله جنهنده امیدوارم [آلفیشار]

توفیق بک افندی نطقی

بونی متعاقب دبستان ایرانیان مدیری توفیق بک افندی ینہ قارا بک حضرتلری طرفندن سامعین کرامه تقدیم اولوندی .
توفیق بک :

« رفیق محترم حسین دانش بک ایرانک احوال تاریخیه سندن خلاصه بحت ایتدیلمز ، بنده کز بو بابده بر آرز دها تفصیلات ویرمک ایسته یورم . شو قدر که نطوق اولمدیغم ایچون یازدم ، مساعده بیورولورسه او قوییم »

دیہ بر مقدمه یابدندن سوکرا ، ایرانک تا ادوار ابتدایه سندن باشلا بوق کچریدیکی صفحاندن بحت ایدرک و هر دورده یتیشن حکمدارانندن اسملریله خبر ویره رک بر مصاحبه تاریخیه یابدیلر . بیوک بر احاطه ، درین بر تتبع ایله بیکلرجه سنه لک وقایعی ذهنلرده تقریر ایدرک صورتده یازیلان بو مقاله نفیسه تاریخیه بر مجموعه علمیه صحیفنی بحق تزیین ایدر اولدینی حالده بوراده سامعینک تمهیج ، اندیشه ناک حسیاتی اوزرنده لازم کان تأثیری یاپمیدی ، بونک فرقه وارن توفیق بک افندی مناسب بر یرنده کسه رک آتیده کی جمله لره مهم بر مسئله اوزرینه جلب انظار ایلدی و شدتلی آلفیشلره مظهر اولدی . ایشته ، افندیلمز ، بو قدر اوزون بر تاریخه مالک اولان ایران هیچ بر زمان اجنبی بویوندورونی آلتنه کیرمه مشدر . بونکده اک

مهم سببی ، ایرانک بتون مناسبیه ملت واحدہ اولمسی در . ایرانده اختلاف عناصر یوقدر . یکانه بر عنصر واردر که اوده ایران ملتی در . افکار ، منافع ، وغایه آمال بر در . اتحاد و اتفاتی دائمی در . واقعا بعضاً - جهلندن ناشی - آرہ لرندہ اختلافلر ظهور ایدر سنده ، بو احوال داخلیه منحصردر . خارجدن بر دشمنک هجومی حس اولونجه بتون خصومتلری بر طرفه براقه رق دشمن قارشوسندنہ یکوجود ، شجیع ، فداکار بر کتله متحده کورولور . اجنبی بر عنصرک ایرانده یرلشه بیلمسی ممکن دکلدز . چونکه اجنبی کیرنجہ زائد بر عنصر اولور . ایران اوله ظن اولوندیغی کبی برلشمسی قابل اولماز مختلف ، پریشان قوتلردن عبارت دکلدز . بونلری طوپلامق بر کله یه باقار . اوتهدن بری ایرانلیر نجفده کی علمای اسلامه مربوط اولدقلری ایچون اهالی اوزرنده اولرک بیوک تأثیری واردر . بر کره او علمای کرام (وجاهدوا فی سبیل الله) دیه جک اولورلر سه بتون ایران قیام ایدر وقانلرینک صوک دامله سنه قدر دشمنله اوغراشیر .

مع مافیہ مقصدم بو دکل ، ایران هر حاده ایرانہ مالک اوله جقدر . چونکه دیگر عناصرک اوراده یرلشه بیلمسی قابل دکلدز . تاریخ بونک شاهدهی در . کیم ایسترسه تجربہ سنی یاپسون . نیجه اعظاملر ، فداکارلر یتشدیرن ایران ، ینہ او ایران در . نیجه خارقلر کوسترن ملت ، ینہ او ملت در ... [آلفیشار ...]

کردستانه ایرانی شیخ الاسلام افندی حسن افندی نطقی

بوندن سوکرا ، ملت اسلامییه بر چوق خدمات نافعہ سی سبق ایدن کردستان ایرانی شیخ الاسلام سابق فاضل و محاهد محترم حسن افندی حضرتلری طرفندن فارسیجه مهم بر نطق ایراد بیورولدی . عموم سامعینک بو لسانه واقف اوله نامسنی نظر دقتہ آلان فاضل محترم سوزی مهم جمله لره خلاصه ایدرک ، آلفیشلر ایچنده ، عالم جان افندی یه ترک ایتدیلمز .

عالم جان افندی نطقی

عالم جان افندی ، نورالفکر کنج ، صاف و سویلی سیالی بوتاتار کنجی ، بو محترم قارداش مزده صمیمی آلفیشلره استقبال اولوندی .

سامعین کرام حضرانی ! - دیه باشلادی -

بنده کز ایرانک تاریخ قدیمه و حال حاضرینہ دائر تفصیلاته کیریشہ جک دکلم . زیرا خطبای کرام حضرانی بونا بده سویلنه جک سوزلری کمال بلاغت و طلاقله سویله دیلمز . بن آنجق بو صوک کونلرده انکلتزه حکومتی طرفندن اعطا اولنان اولتیماتوم سببیله حاصل اولان تأثر و انفعال مزی اظهاره جصر مقال ایددجکم .

انکلتزه حکومتک ایران حکومتبه بر اولتیماتوم کوندروب اوچ

وقعه‌یه قارشی بتون بترنه اغماض عین ایده‌میه جکری آشکاردر .
بردها تکرار ایدیورم ، محترم قرداشلر منک تک بر فرد قالنجه‌یه
قدر وطن وحیثیت اوغورنده فدای جان ایده‌رک مفتخرانه شراب
شهادتی نوش ایلمه‌لری ، ذیلانہ دشمن آیانی التنده از یلمه‌دن یوزبیک
دفعه مرجحدر . [آلقشلا] وبالجمله ایرانی قرداشلر منکده بواعقادده
بولندقلرندن امینم . فیلسوف شهیر ابوالطیب‌المتنبی : «ان المنیة عندالذل
قندید» بیوریورلر ، پک طوغریدر . [آلقشلا]

شمعی آرالرنده بدرجه اختلاف اولدینی ظن اولنان قبائل
مختلفه‌ده او آنده متحداً حرکت ایده‌رک مدافعه وطن ایچون شتابان
اوله جقاری شک وشبه‌دن وارسته‌در .

حقیقی صورته انسانیت وعدالت پرور اولان دولت‌لرک - اکر
وارسه - ال یوم‌القیام دوام وبقالرینی و بویله انسانیت و مدنیت پرده
ریاکارانه‌سی آلتنده طاقت بشریه‌نک تجملی خارچنده اولان انواع
مظالمی زواللی وضعیف انسانلره تطبیق ایتمکده بولنان دول ظالمه‌نک
بر آن اول محو و واضمحلال‌لرینی منی ایده‌رک خم کلام ایدرم [سورکلی آلقشلا]

سیاح شریع عبدالرشید افندی حضرت تبریک لطفی

سامعین کرامک حساس تلرینه طوقونان عالم جان افندی‌نک نطق آلفیشلرله
تشبیح اولنورکن عبدالرشید افندی حضرتلری ، او سنه لردنبری عالم اسلامک
انتباه و تعالیسی ایچون مجاهده‌لرده بولونان ، بتون شرقی کزن ، حقیله تدقیق
ایدن ، عموم مسلمانلری یکدیگرندن خبردار ایتمک چالیشان ، بو اغورده حیاتی بیله
فدادن چکنمیان محترم مسلمان مجاهدی موقع خطابتده طلعت افزای مهابت اولنجه ،
هر طرفدن آلفیش طرفانی قوپدی . هان بتون سامعین کراجه آشنالی بولنان
وبلکه شیمدی‌یه قدر یوزلرجه ، بیکرجه خطبه‌لر ایراد ایدن بو ممارسه‌لی خطیب
کمال هیئتله سلام وپردکدن سوکرا طاشقین ، جوال نظر لرله اطراف بر
سوزدی . سرت و هیجانلی بر افاده ایله سوزده باشلادی :

بوکون ، دیدی ، اورته لنده بر ایران مسئله‌سی دونیورکه بنم
فکرکجه بو بر حیات مسئله‌سی در . بوکون ایرانی قارداشلر منک جانلرینه
تسلط ایدن یرتجیحی پنجه‌لی قارتالار هر ایکی طرفدن شرقی قوشا‌تمق
مانوره‌سنه ابتدار ایدیورلر . بونک ایچون بن بو مسئله‌یه یالکیز بر
ایران مسئله‌سی نظرله باقمیه جنم . بلکه بو بتون حقیقتیله ، بتون
عریانلیغیله بر شرق مسئله‌سی در .

بونک نتیجه‌سی بتون شرق عانته تأثیر ایلمه جکدر . بو بر مقدمه -
الاستیلادرکه بتون اقوام شرقیه‌نی دوشوندیرسه یری واردر .

بوکون ، مدنیت و انسانیت نامنه دست تجاوزلرینی اوزاتمه
تشبث ایدن بو آج دولتله ، یارین ظلم وغدر لرله بتون شرقی حیوان
کبی اسارت التنده ایکلتمک ، اولدورمک ، محو ایتمک ایچون قد
منهاده مصیبت اولیورلر . بونلرک سیاست ظالمانه‌سنی بتون جهان
بیلیر . باشقه‌لرینک ملککنده جزئی بر مسئله واقع اولونجه دایما
انسانیت نامنه اورته‌لغه آتیلیرلر ، انا کندی مملکتلرنده کی مظالمی
کورمزلر . [شدنی آلقشلا]

چوق دکل ، ده‌ها کچن سنه‌لر روسیه‌ده ، پایتختده ، نفس

ایه قدر جنوبی ایرانده سکون و آسایش تمامیله تقریر اولنمادینی تقدیرده
بالذات مداخله ایده‌رک مختل اولدینی فرض اولنان آسایشی تأمین
ایتمک ایسته‌دیکنی بیان ایتمی ، ده‌ها طوغریسی بویله بروجه ظاهری
کوستره‌رک من‌القدیم اضمار ایتمیکی منویاتی تطبیقه قالقشمی ، دکل
یالکیز اسلاملری ، بلکه بالجمله حس انسانیدن بهره‌دار اولان هر فرد
بشری صوک درجه متأثر و منفعل ایتمیکی هرکسک معلومیدر .

بز روسیه‌لی اسلام کنجاری ایسه . بتون ایرانی قرداشلر منزه
انسانیت و اسلامیت کبی ایکی بیوک رابطه قویه ایله مربوط ، حتی
یکوجود دنیله جک درجه‌ده متجد اولدیغمزدن طبیعیدرکه بو فلاکت
آمیز خبردنک زیاده متأثر اولانلر جمله‌سندز . [آلقشلا]

بو تأثر او درجه‌نی بولمشدرکه بوکون انکلتره حکومتک
بو حرکتی ، ده‌ها طوغریسی انکلتره و روسیه حکومتلرینک برلشهرک
بیکرجه سنه‌لردن بری پایدار ، پک بیوک وشانلی ماضی‌یه مالک اولان
قوجانان ایرانی ایکی‌یه تقسیم ایدوب التقام ایتمک ایسته‌دیکلرینی بتون
موجودیتلرله رد ایتمیکمزی کیزله میهمقتدر اوله میهرق اظهار ایدیورز .

اوت ، انسانیته خدمت نامی آلتنده اجرا اولنمق ایسته‌نیلن بو
مظالم و بو تخریب‌ادن بتون روحزله نفرت و مسیبلرینه‌ده لغت ایدرز .
نصل ایتمیه‌لم که ایرانک جنوبنده بش آتی انکلترک منافع اقتصا -
دیله‌لی سسکته‌دار اولدینی بهانه اتخاذا اولنهرق میلیونلرجه اهالی
اسلامیه‌نک آلیق آلمده چین-نوب تحت اسارته آلماسی روسلرله
حریت ، انسانیت و اخوت نامنی طاشیان انکلترلر طرفدن آرزو
اولیور . هانکی بر قاعده حقوقیه وارکه بو حرکتی تجویز ایلسون ؟
هانکی بر اسلام نامنی طاشیمیه لایق فرد وارکه بو تشبثی تصویب
ایلسون ؟

بوکون ایران حکومتی چته‌لر تشکیل ایدوب واونلر ده میلیونلرجه
تخصیصات و یروب انکلتره و روسیه داخلمه طاغتمیورکه بویله بر حرکتی
مستحق اولسون . کندی مملکتک اصلاحیه کندی اوغراشیور .
ایرانلیرک حریت قزاندقلری آنجق اوچ سنه‌در . بویله بر حریتی
قزاتمق ایچون فرانسه ماتی کبی صاحب عرفان بر ملت تام بر عصر
اوغراشدینی حالده بالنسبه جاهل اولان ایران قومنک اوچ سنه
ظرفنده حریت وعدالتی مملکتلرینک بالجمله نقاطنده تأسیس و تطبیق
ایتمکلی و ایده‌مدکلی وسیله اتخاذا ایدیلهرک بشقه‌لری طرفدن
ضبط و استیلا ایدلمک کبی بر حرکتی ، طوغریسی وجدان انسانیت
تجویز ایتمز .

شوراسی جای تسلیدرکه بوندن ۲۷ سنه اولکی انکلتره‌نک مصر
حرکتی بتون عنعناتی ایله میدانده بولندیشدن ایرانی قرداشلر من
بو حرکتی قارشی هر درلو تدابیره توسلدن صکره ایجاب ایدرسه صوک
طامانه قانلرینی آتمق صورتیه مقابله‌ده بوانورلر امیدنده یز ویکانه
چاره‌ده بودر . بوندن ماعدا بو حرکت ظالمانه‌یه قارشی تکمیل عالم اسلامک
لاقید قالمه‌سی امکان خارچنده اولدینی کبی ، دیگر دول معظمه‌نکده بو